

علی اکرم

لسان عثمانی

منظوم

Bolayır, Ali Ekrem

Lisān-ı 'Osmānī

استانبول

ظرافت مطبعی

۱۳۳۲

شاعر اعظم عبدالحق حامد بك افندي نيك بر مکتوبی

PL

248

B64 I5


نوربخش اکرم

مان مانی حق حق ای امان بر وفائی او قدم اول آمده خدا آینه
پر کرده صورت اوله و بکاشانه بوفانه توجه مخصوصه که بهانه
رضی تظافر ایدیه آثار نبات در کارخانه جد شخص و مقادیر و حکم ده
سازن مدافعه حقوقی شخصیت توبه حقیقت ایدیه خلاصه نکو که اجابت
ایدیه حقیقه که توبه نکو میوه ایدیه اوله و صورت روحیات فطری
صفر زنج کی فکر ده صورت و توبه اوله یعنی بایه آفت اینهم صفت و توبه
بدایه که در نه و یک لایحه و توبه و صورت نکو صفت اوله یعنی
ولا کیده اثبات ایدیه بناء علیه بر سائله ده علم در اند نه در توبه
اینها اینهم که در کار نکو ایدیه حقیقت بر سوز بوی ایدیه حقیقت
اینهم شبهه بوی که هر کسی استیجابی بوی یا زلفه کار و توبه
دیگر طرفه شکله ممکنه توبه و یا خود و توبه نظریه سن جوی ایدیه
توبه نکو توبه و دیگر طرفه ایدیه توبه اوله بر در توبه
کوزل هر نه بوی ده یا زلفه کوزل توبه حقیقت ایدیه او کوزل توبه ایدیه

يكانه عمجه م عبد الحق حامد بك افندى به .

على اكرم





سنکله ای مترنم لسان عثمانی ،
سنکله بن یازارم اک بلند افکاری ،
سنکله مشرق لاهوته یوکسه لیر ررحم ،
جهان جهان کورورم کائنات دواری ،
اورور خیالمه بر انجلائی سبجانی !
حیاته اغلامق ایسترسه قلب مجروحم ،
کلیر ادای رقیقکله، بال نازکله
بکای حارمی ترسیم ایدرسک الواحه ؛
سنک او حزمه انظار جاننوازکله
مفکرم ایریشیر جلوگاه اشباحه .
سنک او طائر قدسی خرام کفتارک ،
الی الابد قاله حق روح شوقی اشعارک.



نه در او زمزمهٔ پر حلاوتك كه ايدر
يانيق يوركلي « فضولى » يي كويه بار غرام ؟

سنگ او عاشق شيدا اسير زار كدر :
سنگله روح شغفدار شعري بي آرام ،
حيات عشقنه مزج ايلش ظلال كدر .
بوكون ده قلب فضولى سنگ مزار كدر ،

مزار عشق مؤبد كه حزن لالندن
آلير مفكره من بر نصيبهٔ بحران ،
سنگله در كه او روحك بويوك مالندن
دوشر جنازمه بر شرارهٔ هجران !

يوزنده ليلئ حسنك خيالى كويه نمون ،
ويرر سنگله فضولى جهانه درس جنون .



« غالبا براهل دل طوپراغيدر درد شراب
كيم قيلوب حرمت بنار طومتش اوستنده حباب

.....

اي صوران حالم بو استغنا سؤالندن نه سود
حالم ايلرسك سؤال اما ايشتمزسك جواب

دشت غمه خاك قهرم اوزره سرو كردباد
چكسه باش اول سرودن صوكسمه اي سيل سراب

یتمیوب وصلنه سن ایلی وشك بر عمردر
بن کبی مجنون اولوب سحرایه دوشمش آفتاب

.....

نقد عمری بر صنم اوغرنده صرف ایتدک تمام
ای فضولی آه اکر سندن صورلسه بو حساب

فضولی



نهدر اوغلغه شوق رود آهنگك

که فکره کوستریور بر مهیب شلاله ،

که روح قاهریدر شعر پاک « نفعی » نک :

سنگله بکزر او بر آسمان جواله !

مهابت ابدیت نمون او رنکك

آچار جناحنی نفعیه ؛ فیض آیینك

کلام ولوله دارنده رعد رعد ظهور

اولورده کوکره مش ارسلانلرک غریوی قدر

قلوبه رعشه ویرن بر ترانه مغرور

فضای نامتناهی بی چینلاتیر ! قانلر

آقار طورور کییدر خنجر لسانندن ،

غروبلا صاحیلیر شعله بیانندن !



» صفلر دوزوب هجوم ایدیجك خیل دشمنه
دهشتله آسمان و زمین پر فغان اولور

صارصلدیغنجه زلزله حمله دن زمین
آشوب رستخیز قیامت عیان اولور

کرد سپیده شعله شمشیر تابدار
کویا سحاب تیره ده برق جهان اولور

اوقلر سهام قوس قضا دن نشان و برر
پیکان تیر ایسه اجل ناکهان اولور

اوج هواده صبت چکا چاک تیغدن
آواز رعد و صاعقه ره کم کسان اولور »

نفی



سنکله ای متزهر لسان شوخ « ندیم » ،

سنکله بکر خیالک ، مأل نازانک

کنزیده فطرتی بر جلوۀ خرام کبی

عبان اولور ؛ او تراویده حسن صریانک

ایدر روان وصالی اچیق صاچیق تلثیم ،

عمود صبیحه دوشن زهره غرام کبی .

ندیم او شاعر بلبل دهان و کل فطرت ،

ندیم او نشوۀ جاوید او ساغر لاهوت ،

کمند زلف نکاره اسیر . . . بی قدرت ،
النده خنده قشان بر پیالهٔ یاقوت ،
سنکله روحی ایکلر رباب اشعارک ،
اونک فمندن اوچار نشوه نشوه اسرارک !



« مست نازم کیم بیوتدی بویله بی پرواسی
کیم یتشدیردی بوکونه سرودن بالا سنی
بویدن خوش رنکدن پا کیزه در نازک تنک
بسله مش قوینده کویا کیم کل رعنا سنی
کللی دیبا کییدک اما فورقارم آزار ایدر
نازنینم سایه خار کل دیبا سنی
بر الکهده کل بر الده جام کلدک ساقیا
قنغیسن آلسهم کللی یاخود که جای یا سنی
صاندم اولمش جسته بر فوارهٔ آب حیات .
بویله کوستردی بکا اول قد مستثنا سنی
صاف ایکن آینهٔ اندامدن سینهٔم درینغ
آلادم بر کره چک آغوشه سر تابا سنی
بن دیدکجه بویله کیم قدیکی قیلدی ناتوان
کوستریر انکشت ابله مجلسده کی مینا سنی »

ندیم



سن ای لسان « کال » ای لسان حریت ،
 علو کعبی وجدانر ایلور تجیل ؛
 کال او قلب معظم او مشعل عرفان ،
 سنکله منقبه فکری ایش ترتیل .
 اونک جزالت نطقیه بر بویوک ملت
 ججیم شدت وظلمک قعور نارندن ،
 وطن وطن دیبه چیقمش تلال آماله :
 بوانقلابی او یامش او نطق عثمانی !
 وطن محبتنی تا قلوب اطفاله
 او ایشنه مش ، او مبارک لسان وجدانی
 وطن وطن دیبه قبرندن ایکلیور حالا ،
 کلیر صماخه سمدن خطاب « واویلا » :

« فنک رنکی عکس ایدوب تنه ،
 یکی آچمش کله مثال اولمش ؛
 انعطافله باق نه آل اولمش
 سرو سیمین صفالی کردنه ،
 بولطافله اول نهال روان
 کیریور کوز یومونجه رؤیامه ،
 بکزییور عینی کیندی خولیامه ،
 بوتصور طوقوندی سودامه :
 آه ، بویله کزرمی هیج جانان ؟
 کل دکل ، آرقه سنده قانلی کفن
 سنمیسک ، سنمیسک غریب وطن !

.....

کیت وطن کعبه ده سیاهه بورون .
 برقولك روضه نبی به اوزات ،
 برینی کر بلاده مشهده آت ،
 کائناته او هیئت کله کورون .
 او تماشایه حق ده عاشق اولور :
 کوزه بر عالم ایلیمور اظهار
 که جهانندن بویوک لطافتی وار .
 اولطافت اولونسه کر انکار ،
 مندهمجه دیمک موافق اولور ؛
 آج وطن قوشینکی اله که آج ،
 شهدا کی چیقارده اورته به صاج ! »

کمال

« دوشونمینی سورم محرم ملالدر ؛
 اودر نی دوشونن حال اغبرارمده .
 دوشونمدهن کچه مم ، یارینی همالدر ،
 اودر نی آرایان حین انکسارمده

بنم ندیمه روحم تفکراتمدر ،
 دم تفکرم اک خوش دم حیاتمدر .

او دم که شام غریبانه روی آفاق
 سیه نقاب ایله منظور چشم رقت ایدر ،
 او دم که باد شبانکه چنده اوراق
 حزین ادا ایله مألوف آم حسرت ایدر ،
 دیکوب نظاره می بر نجم پرتو افشانه
 دوشونمینی سورم متصل خوشانه .

.....
 اودلربا که طورور منظرمدہ خون آلود
 « لیلیہ خندہ نما کوزلریلہ کریہ نمود »
 اوقور نشاید علویہ بنوا و سرود ؛
 ایدر دروغی مشحون ذوق نامحدود ،
 بنم ندیمہ روحم تفکراتمدر ،
 دم تفکرم اک خوش دم حیاتمدر . »

استاد اکرم



نہدر بوشیوہ نازان بورقت اسلوب ؟
 بوہر تقطر روح مذاہب وجدائی ؟
 ملک قانادلریمی اوینایور فیافیدہ ؟
 نہدر بوسس .. عجبا برروان کریائی
 اولور حریم ملالندہ نوحہریز قلوب ؟
 جنان « اکرمہ » مونس ، لطیف ، نادیدہ
 چیچکلرک متصبی لسان حالیلہ
 طولان شو حس حالات شونفخہ سودا
 دکلی فیض لساندن ؟ اونک کمالیلہ
 دکلیدرکہ ایدر فکرہ برجہان اهدا
 او قلب ماتم وھجران او فطرت ناشاد ،
 غریق رحمت رحن اولان بیوک استاد ؟



• اويله برشدت تصمیم ایله چیقمدم که یوله
قارشیمه چیقسه اکر سنك مزارم دوغم ؛
بجر زخار دکل ، ابر شرر بار دکل
هپ یانار طاغیر ایله طولسه جوارم دوغم !
دالغهلر اویماییکیز باد تغندکاره ،
سز قیلک نعشی ایصال کنار یاره .

.....

نه بلادر نه در اول حور جهنم بر دوش ،
سز دکل حالنه آشفته اولور بلمکه وحوش !
فبلر خا که دوشوب مورلر ایلم فریاد ،
کوهدن کوهه قاچار شیر ژبانلر پر جوش ،
دالغهلر سز قیلک امداد که یاندم ناره ،
سز قیلک نعشی ایصال کنار یاره .

چیقینور قانلی یوزی قارشیمه عمانده بیله ،
سونمبور مشله لغنتی طوفانده بیله !
دشت و دریایی کچوب تا ایکی آیلق یولدن ،
کلیور ناله لری کوشمه صاغدن صولدن .
دالغهلر بنده اولان درده اولومدر چاره
سز قیلک نعشی ایصال کنار یاره .

بنده طوفان کبییم یاغدیروم موت و خطر
کوز یاشم سین بلا آم و ضریوم صرصر ؛
ظلمتک جاک ایدوب ای شب صالارم صبحه نظر
برق تهدید ایله ای ابر بن اولام مضطر .
دالغهلر بن سزی دوندیرمه دن آتشراره ،
سز قیلک نعشی ایصال کنار یاره . «

سنکله ای متوحش ترانه الهام ،
 سنکله در که شوغرنده شعر رعد آهنگ
 دهاء معجز « حامد » دن ایلش فوران !
 دهاء معجز حامد که آسمانلر تنک
 کلیر طلوعنه ، بیکلرجه موکب اجرام
 اونک مدار مألنده ایللیوب دوران ،
 دوکر ریاض زمینه خیاط نورنگاه .
 دهاء حامد اولونجه سنکله ولوله دار ،
 سن ای لسان مبیجل . لسان روح آگاه ،
 کمال شانکی بر حامد ایلسه اظهار ،
 کزر کواکب آنک جهان بالاده ،
 علو قدرک اولور بلکه نزد مولاده !





دكل اعظمك عاويت بيانندن ،
بوكون بوتون يكي شاه لرك لسانندن
طلوع ايدن او كوزل ، ناشنیده افكارك
او اينجه ، طاتلی . صميمی نکات ابكارك
لسان حاضر ايكن مصدر ظهوری ینه ،
اونك هجوم وتعرض تلال قدرتنه ،
نه بوش فكر كه نهايت سقوط وخسراندر !
لسان حاضره فكر وخیال حیراندر ،
لسان حاضره قلب وروان پرستش ايدر :
شكوفه لردن اوچان خنده لر قدر دلبر ،
بحاره عاكس اولان لوحه بلند سحاب
قدر خیال ربا ؛ صبح ليله مهتاب
قدر انیس جنان ؛ غلغل رعود قدر
مهیّب ! نامتناهی لکنده فكر ونظر
بولور حقائق لاهوتی ، روح اشیا یی ،
كورور مظاهر آننده نور مولایي !
بونك ، بوشانی لسانك كه عینی عالمدر
كه ذوق و شكلی سماوی ، كه لفظی ملهمدر ،

- بوتون نجوم وشموسيله كائنات كې -
 الى الابد قانه جق شكلى ، لفظى ، تركيبى !
 اونك اولونجه نكهه دازى غازه تركيب
 نقاب ناز ترا كېي ايلك تخریب،
 نجومى سيلمكه بكنزر سمای ملیدن ؛
 بو آسمانه ايرشمز سك اى معند سن !
 بو آسمان بلاغ مېنك انوارى
 الى الابد طوته جقدر لقای اعصارى !

» - يارين سن آغلرى كون طونمه دن حاضر لارسك
 صاقين يدك بر آز ايپ، منطار آلمان كېتمه . . .
 آچينجه يلكنى ، هيچ باقمه اويناين وارسين ؛
 قايق چوجق كبيدر اوينا يورى قيد ايمه ،
 طوفونما كيغنه ؛ يالكنز تيك بولون ، زيرا
 دكز قادين كبيدر : هيچ ابنائى اولماز ها ! «
 توفيق فكرت

.....

ناصل كاير سكا بر بويله شعر ملينك
 لسان ساده سى ؟ اولسه كه نه رتبه كوته بين ،
 بونك بياتى ايمز تعندك تعيب ،
 فقط لسانى بيان براديب ايجون نه غريب

اولور اونك يالكنز روح صافنى يازمق :
 تلال فكىرىنى كورمك دكلىدر برحق ؟
 بخار خشمى تصوير ايدرسه برخامه
 نهدن سزا كورولور شمدى غيظه ، دشنامه ؟
 او معجزات مقالك كه بر نمونه سنى ،
 برر مثالى كوستردم ، اى شباب سنى
 سنك جنانكى تيرتميورمى تاثيرى ؟
 ناصل دويارسه روانك صدای تكبرى
 دويار بوسوزلرى ده ، چونكه روح اجدادك
 اوسوزلك اوزيدر ! بيل كه نسل واحفادك
 الى الابد بولسانله تكلم ايله جك .
 لسانى اصلنه ارجاع ايجون هوسلنمك ،
 طاوعه منتظر اولمق غروب ماضيدن
 ديمكدر ، ايسته حقيقت . تأمل ايله ده سن
 ا كر بو قابل ايسه ياز بوتون آچيق ترجه ..
 فقط بوممكن اولورمى ؟ آچيق لسان اوچه
 بش آلتى يوز سنه اول كر كدى ، ترجه مزي
 ظهور مزده براقديق ، عجم لسانى بزي
 اسير ايلدى ، زيرا عجم لسانندن
 كليردى فكر تمدن ، نصيبه عرفان

یازاردی صاحب « مولود » عجم اداسیله ،
 عجم لسانه دوشمشدی « یونس امره » بیله .
 عجمده تابش ایمانه مظهر اولمشدی ،
 اونکده روحنه قرآن لسانی طولمشدی ،
 دیمک لسانمژک روحی نور قرآندر ،
 بوکون او فیض مؤبد لسانده تاباندر .
 بوخلقه صوکره تمدن کلنجه آوروپادن ،
 بوتون علوم وفنونی مدققین زمان
 عرب ، عجم کلماتیله ایلمش تدوین ،
 تشکل ایتمش او همتله برلسان متین .
 دینیرکه « ملت ایچون یازمالی » کوزل : بزه سز
 بوملتک بوتون افرادینی بیان ایدیکنز .
 بوملتک بوتون افرادی کویاو ، چفتجیمیدر ؟
 بوکون شباب منور ، زمان ایچون نادر
 ده اولسه چهره آتی دکلیدر اوشباب ؟
 عوام ایچون اونی ترک ایلک اولورمی صواب ؟
 عوام ایچونده شباب منور اولمالیدر :
 چیچک حیاتی خورشید آسماندن آلیر .



لسان حاضری اشکال بی مثالیه ،
بیلن خزائن عرفان بولور ، لسانی هله
بوتون قواعد مضبوطه سیله اوکرنمک
شبابه فرضدر ! انسان ایچون بویوک برامک
دکلدر اوکرنیورمک لسان مادرینی .
آچک کتاب لسانک بوتون سرائینی
کورورسکنزکه عربجه ، عجمجه « ترکیلر »
لسان خلقه یر ایتمش ، بوکون یازار ، سویلر
بوتون قء اعد ترکیبی هرصنفدن خلق ،
براق براز اوقویان قسمی جهل مطلقه باق :
« سؤال خاطره کلدن » دیور بوکون عمله ،
دیور « صباح شریفک » ماناو ، بالقجی بیله .
ناصل « سلام علیکم » چیقار بوکون دیلدن ؟
ناصل دیمز « رمضان شریف » ترکیه بیلن ؟
عجب « بویوک قانی » دیرلرمی باب عالییه ؟
ویا « سرای هایون » بزم اهالییه
یابانجی سوزمیدر ؟ انصاف ایدک : « حقوق عباد » ،
« صفای عائله » یاخود « محبت اولاد »

بزم لسانمزه اجنبی می‌در ؟ هله بن ،
 او ترکی آ کلابه‌مام که وفور جهلندن

دینچه « رحمت مولی » نه در سؤال ایتسون ،
 « رسول اکرم » ی درک ایتسون ؛ او حالده نیچون
 یاشار جهانده ؟ نه آ کلار ؟ بووهم باطلدر :
 « جالاب » دین بزم اللهه بک یابانجی قالیر !


براز خصیصه عرفان ایله اولان مجبول
 ناصل ادای ترا کبی کور مسون مقبول !
 او اینجه لک او لطافت او رونق تصویر ،
 او انسجام و طلافت او شدت تأثیر
 لسانه بخش ایدیور صانکه نفیحه اعجاز ا
 برر مثال آلهم ، سویله یک شو « عرض نیاز » ،
 « خیال یار » ، « نسیم سحر » ، « لقای خزان » ،
 « بکای روح » ، « نقاب حیا » ، « انین جنان » ،
 « غریق لجه ظلمت » ، « صدای دورادور » ،
 « ازلما » ، « ابدیت قرین » ، « بلند ظهور » ،
 « حریم دل » ... کبی اشکال فکری هپ طاراسهق
 بوتون بوسوزلر ایچون ساده بر بیان آراسهق ،
 عجب بولور می‌یز ؟ انسان بو فکره حیرت ایدر :
 ناصل زمان ترقی رجوعه غیرت ایدر ؟ !

ناصل دینیر مثلاً ترکیه « انکسار خیال » ،
 « غلو حس » ، « فیضان ازل » ، « خیال محال » ؟
 تزیینات لساندن دکل بو ترکیبیلر
 برر مال نویندر ، بوتون یازار ، سویلر
 بو ایجه سوزلری ارباب فن ، فحول زمان ،
 بوجانی سوزلر اولور ترجمان عقل و جنان .

یا لعله زار طلوعنده فن و معرفتک ،
 ظهور ایدن بو قدر هاتفی بیان لغتک
 نهدر مقابلی ترکیبی ترک ایدرسه ک بز ؟
 ناصل دینیر مثلاً ، لطف ایدوب ده سویلیکیز :
 « ائمه فقها » ، « نص قاطع قرآن » ،
 « تتبعات عمیقه » ، « تکامل عرفان » ،
 « تجلی ازی » ، « مبحث الهیات » ،
 « مسالک ادبیه » ، « مقدرات حیات » ،
 « حقوق مکتسبه » ، « حکمت طبیعیه » ،
 « فضای نامتناهی » ، « حدود شرعیه » ،
 « لوازم بشریت » ، « تعاون اقوام » ،
 « تخرات هواثیه » ، « ثقلت اجسام » ،
 « مزاج بنیه » ، « عظام قیحف » ، « دماغ بشر »
 « حیات ارض » ، « مدارجدی » ، « هبوط قمر »

« معادلات ریاضیه » ، « انبساط هوا » ،
 « فصول اربعه » ، « علم منافع الاعضا »
 بوتون بو یولده ترا کیبی ایلک تعداد
 نه ممکن ! ایشته مثال ، ایشته ساحه ایجاد :
 بولکده کوستریکنز ترجه نك اداسیله
 لسان فنه کیرر بر کوچوک نمونه بیله !
 « فضای نامتناهی » بی شیمدی بز مثلاً
 ناصل بیان ایدرز ترجه ؟ یوقسه بی معنا
 بر التزام تصنعیدر لسان علوم ؟
 لسان ، لسان فنون اولمادقجه اک مشئوم
 سقوط جهله کرفتار اولور بوتون ملت ،
 قازار مزاریمزی ساده لک دینن علت !
 آتک وجود لساندن روان ترکیبی
 قالیر ، خضیض مذلتده نعش خوار کبی ،
 تفسخ ایتیکه آماده برقدید مال ،
 چوکر مدارج آتی یه ظل اضمحلال !





دکل بوتون شعرایه ، رجال سیفه ، بوتون
افاض علمایه تعرض ایتک ایچون
باقک - پک اینجه تفکرله ! - معترض نه دیمش :
نصیب اولان بزه بر « اندرون لسانی ، ایش !
لسان حاضر ایچون اندرون لسانی دین ،
نه سویلیور عجبا اکلامشی ؟ طوغروسی بن
بواجتساره دیرم : « اندرون لسانیله ! »
بوتون مفاخر تابان ملته حمله !
لسان حاضری اون پادشاه عالمگیر
قایج اوجیله سماواته ایش تحریر !
لسان حاضری « فاتح » جهانہ بخش ایش ،
اونکله عالم اسلامه مژده لر کیتمش ؛
اونکله غلغله فتحی عرش یزدانه
او پادشاه معظم چیقارمش ! انسانه
وله ویریر بومقدس لسانه طعن ایتک !
بوتون مکارمی تزییف ایچونمی اولسه کرک
او - اینجه ظن اولونان ! - نکته تجاوزله
هوسلنوب طور یویرمک لسانی تذلیله ؟
دیمک اکا برملت هپ « اندرونی ! » در ؟
اوشاق مقوله سی انسانلر اویله می ؟ شونی بر

سزکله اکلاشه لم بز : دیمک که — جرأ نه باق ! —
 «سنان پشاه قبوجی ، «فاضل احمد» اولدی اوشاق ؟
 دیمک « مترجم قاموس » ، « خواجه سعدالدین » ،
 « کلنبوی » ، « قوجه راغب » ... بتون او اهل یقین
 اوشاق لسانی یازارلردی ؟ یا اولی الابصار !
 ندر بو جوع تعرض بو عشق استحقار ؟
 باقک شو صولت تخریب وهدمه ، عبرت آلك :
 قازار مزارینی اولاد معرفت وطنک !

یا وزنی ؟ وزن عروضی بی سومه مک بکا بر
 رباب جنتی قیرمق قدر کنه کلیر !
 بو وزن روحده آهنگک الک کزیده سی وار ،
 بونکله شاعر حق دور کائناتی یازار !
 اکر « لسان طیبی دکل » دیمکسه مرام ،
 بن ایشته فیکرمی نظمیه ایلدم افهام .
 شو نظم ساده ده بر قاج نقیصه وارسه اکر ،
 قصور عجزمه عائد ، نقیصه شان بشر ،
 امین اولک که « حساب بنان » ده نثر اوله ماز ،
 بشر کمال طیبی بی برزمان بوله ماز.



بو ادعالرى ھې ترك ايدك كه بك بوشدر،
يقيق بنای خرافاته طيرمانان يورولور .
لسان شاعر ا کر ملتک لسانی ايسه
لسان ملتي آتمق دکليدر حبسه ،
يوتون آچيق ، قابا اشکالی التزام ايتک ؟
جهان، تمدن تاناره لايق اولدی ديمک ؟
عربجه سوندى ، عجمجه قوغولدى ، قاي خان
لسانی چيقدی مزارندن اويله می ، نه زمان ؟
ايشتمدک بونی ، دويسه قوده شمدی آکلاميز !
تکاملات طبيعیه طرفدارز ،
فقط رجوع تدنی به دشمن جانز ؛
نه دیرسه کز دیککز خلقه نور عرفانز !
عوام ایچونده خواص عقول ایچونده یازار ،
یازار ، یازار طورورز انفلاق حشره قدر !
لسان بوتون ادبیائی قاورامش ، آلمش
ید مؤبدۀ غرمة خاقی ، کؤک صالمش
عروق ملتہ ، عثمانلی نسلنک اوزرینه !
کورونمورمی بداهت معندک کوزینه ؟

بو ملتك بوتون افرادی اجهل اقوام
دكل كه فكرینی تبلیغ ایچون لسان عوام
کفایت ایتسین آنک مغز بی طلاقنه ؛
کفایت ایتسه بوتون ملتك حماقنه

قناعت ایلک ایجاب ایدر ؛ نه فکر محال !
عوام ایچون یازی یازمتمیندر بو وهم خیال ؟
عوام ایچون یازی یازمق تعمم ایتسه هله ؟
معالی ادبیات اولور بو علتله !

باقک فرانسه یه «ورلن» ، «سامن» ، «هوغو» ، «روستان» ،
«موسه» ، «لامارتین» ... اوبارغ کواکب عرفان ،
عوام ایچونمی یازارلر ؟ بن اکلارمده ینه
عوامی خلقک او شاعرلرک مزیتنه

قالیر یابانچی ، بو هر یرده بویله در زیر
عوام ایچون اوله ماز هر بدیمه غرا .
خدا محاسنی صاحبش فضای افلاکه ،
محاسن ابدیت که فکر دراکه

عیان اولور سه ده مخفی قالیر اها لیدن ،
اونک لسانی یازسه کده ای معند سن !

باقک شو بیته ، نه آکلار عوام خلق اوقوسه ،
بونک لسانی ده « ملی » دکیدر یوقسه ؟

» برده باقدم كه تك اونلق بيله يوقش كیده ده ،
مهرم بونی بوکش طور و یورمش ساده ،
محمد عاكف

عوام ایچون یازیکنز سز ، بو حقه کنز ؛ بزده
شباب ایچون یازارز بی عدیل و نازنده
خواص ائمه شایان نفائس اشعار .

سما سما طبقاتیله خلق ایچون افکار

جهانده نامتناهیدر ؛ ایشته قدرت حق
جهانی بویله یاراتمش ، بوسری آکلاماق

تعند ایتمک و ابسته در ؛ وارک سز لر

عوام خلقه اولک برکزیده بر رهبر .

یو طرزی بن سورم ، سز عوام ایچون یازیکنز .

آجیق لسان ایله پک ساده نغمه لر یالکنز

طوقونمايک بولسانک بیان شدته ،

طوقونمايک اونک آهنگ ذی جلادته !

طوقونمايک ، ییقیلیر یوقسه اک بیوک آمال ،

لسان باتارسه چو کر شاهراه استقبال !

طوقونمايک ، بولسان چونکه دین و تاریخک

لسانیدر ، اونی تمثیل ایدن بیان کزین

بوتون مفاخر ماضی لسانیدر ، براقک

اوزاق عصرلری ، آتی تابداره باقک !

سن ای لسان خوارق بیان عثمانی
 که عصر حاضره شایان دفينه عرفان ،
 که روح مات ایچون ترجمان صادقک ؛
 محمد امتی اولدقجه تالی قرآن ،
 جدار کعبه یه اوردقجه عرش یزدانی ،
 بوخلاق ایچون قاله جقسک بوخلقه لایقسک !
 سنکله بن یازارم زمره دن لطیف اشعار ،
 سنکله بن چیقارم تا بروج سیاره ،
 قالیر خزانة ملتده « جنبش ابجار » ،
 قالیر طورور ابدیتده شعر « طیاره » !
 سنک تکامل نورکله برفضای بعید
 ایدر خیالنه بیکلرجه کهکشانش تمدید !

۱۷ مارت سنه ۳۳۰



